

Izveštaj o radu Uprave policije MUP-a Kantona Sarajevo za mjesec april 2018.godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu aprilu 2018. godine, na području Kantona Sarajevo registrovano je 361-no krivično djelo što je za 24 djela ili 7,1% više u odnosu na isti mjesec prethodne godine.

Od ukupnog broja registrovanih krivičnih djela, 182 ili 50,4% izvršeno je od strane poznatih, a 179 ili 49,6% od strane nepoznatih izvršilaca.

Za 48 djela ili 26,8% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 31-no krivičnih djela iz izvještajnog, a 17 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u izvještajnom mjesecu za ukupno 230 krivičnih djela ili 63,7% identifikovali osumnjičene izvršioce, što je za 1,4% više u odnosu na isti mjesec prethodne godine.

Zbog postojanja osnova sumnje da su počinili krivična djela prijavljena su 264 lica (79 ili 42,7% više), od čega je 130 povratnika (25 ili 23,8% više) u izvršenju krivičnih djela (ili 49,2% od broja prijavljenih lica), devet maloljetnika (pet ili 125% više), a 75 lica je lišeno slobode (dva ili 2,6% manje).

Pregled kriminaliteta na području Kantona Sarajevo u mjesecu aprilu 2018/17. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	APRIL 2018.	APRIL 2017.	uporedba		rasvj. APRIL 2018.	
			+/-	%	broj kd	%
ŽIVOTA I TIJELA	12	10	2	20,0%	12	100%
SLOBODE I PRAVA ČOVJEKA I GRAĐANINA	26	17	9	52,9%	26	100%
SPOLNE SLOBODE I MORALA	2	2	0	isto	2	100%
BRAKA, PORODICE I MLADEŽI	21	23	-2	-8,7%	21	100%
ZDRAVLJA LJUDI	60	19	41	215,8%	60	100%
PROTIV PRIVREDE, POSLOVANJA I SIGURNOSTI PLATNOG PROMETA	1	1	0	isto	1	100%
IMOVINE	205	219	-14	-6,4%	77	37,6%
OPĆE SIGURNOSTI LJUDI I IMOVINE	4	7	-3	-42,9%	3	75%
SIGURNOSTI JAVNOG PROMETA	7	3	4	133,3%	5	71,4%
PRAVOSUĐA	6	2	4	200%	6	100%
JAVNOG REDA I PRAVNOG PROMETA	14	22	-8	-36,4%	14	100%

PODMIĆIVANJA I KD PROTIV SLUŽBENE I ...	1	2	-1	-50%	1	100%
PRIVREDE I JEDINSTVA TRŽIŠTA TE KD IZ OBLASTI CARINA (KZBiH)	0	1	-1	---	0	---
ZONDINOIM-a (Sl.novine Kantona Sarajevo br. 01/18)	2	9	-7	-77,8%	2	100%
UKUPNO	361	337	24	7,1%	230	63,7%

U odnosu na isti mjesec prethodne godine, zabilježeno je povećanje broja registrovanih krivičnih djela za 24 ili 7,1%. Najznačajnije povećanje zabilježeno je u oblasti protiv zdravlja ljudi (za 41-no djelo), zatim slobode i prava čovjeka i građanina (za devet), sigurnosti javnog prometa (za četiri), pravosuđa (za četiri), života i tijela (za dva djela), itd., dok je smanjenje evidentirano u oblastima protiv imovine (za 14 djela), javnog reda i pravnog prometa (za osam), djela regulisanih ZONDINOIM-om (za sedam), opće sigurnosti ljudi i imovine (za tri djela), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca aprila 2018. godine u ovoj oblasti evidentirano je 12 krivičnih djela (dva više u odnosu na isti mjesec prethodne godine) i to: ubistvo - jedno djelo (nije bilo ovih djela u mjesecu aprilu prethodne godine), ubistvo u pokušaju - jedno djelo (nije bilo djela), teška tjelesna ozljeda – dva (tri manje), lahka tjelesna ozljeda – sedam (tri više) i teška tjelesna ozljeda u pomaganju - jedno djelo (nije bilo ovih djela).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 12 lica, od kojih je devet povratnika ili 75%, a četiri su lišena slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 26 krivičnih djela (devet više) i to: ugrožavanje sigurnosti - 25 i ugrožavanje sigurnosti u podstrekavanju - jedno djelo, a za čije izvršenje je prijavljeno 20 lica od kojih je deset povratnika i dva lica su lišena slobode.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 21-no djelo (dva manje) i to: nasilje u porodici - 20 i oduzimanje djeteta ili maloljetnika - jedno djelo, a zbog postojanja osnova sumnje da su počinili ova djela prijavljena su 24 lica, od kojih je devet povratnika ili 37,5%, a devet je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 60 krivičnih djela iz oblasti protiv zdravlja ljudi (41 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 59 djela.

Zbog postojanja osnova sumnje da su počinili navedena djela podneseni su službeni izvještaji protiv 61-nog lica od kojih je 37 povratnika ili 60,6% , a 17 je lišeno slobode.

PREGLED ODUZETE KOLIČINE OPOJNIH DROGA U MJESECU APRILU 2018/17. GODINE

VRSTA OPOJNE DROGE	APRIL 2018. GOD.	APRIL 2017. GOD.
Marihuana (paketići)	12	2
Marihuana (u gramima)	150	1.711
Marihuana ("cigarete") - kom.	1	---
Ecstasy (u gramima)	---	2,2
Amfetamin (paketići)	24	10
Amfetamin (u gramima)	33	74
pribor sa tragovima droge (komada)	8	3

KRIVIČNA DJELA PROTIV IMOVINE

U izvještajnom mjesecu, registrovano je 205 krivičnih djela protiv imovine, što je za 14 djela ili 6,4% manje u odnosu na isti mjesec prošle godine. Među djelima iz ove oblasti najbrojnije su: teške krađe – 106 djela (14 manje), zatim krađe – 31 (11 manje), razbojništvo – 35 (jedno manje), oštećenje tuđe stvari – 16 (devet više), prijevara – osam (četiri više), teška krađa u pokušaju – dva (isto), itd.

Za ukupno 77 ovih djela ili 37,6% identifikovan je osumnjičeni izvršilac što je za 7,1% manja rasvijetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti - 51 (23 više), zatim slijede motorna vozila (otuđenja pmv i "provale" u ista) - 38 slučaja (sedam manje), poslovni objekti - 14 (20 manje), itd.

Na području Kantona Sarajevo u mjesecu aprilu ove godine izvršeno je 19 krivičnih djela teških krađa motornih vozila od čega je šest ili 31,6% pronađeno i vraćeno vlasnicima (od strane Uprave policije MUP-a KS vraćena su tri vozila, MUP RS-a – jedno, drugih MUP-ova - jedno i vlasnici su pronašli – jedno vozilo).

Broj teških krađa motornih vozila u odnosu na uporedni mjesec, znatno je smanjen i to za 19 ili 50%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv dva lica (isti kao u uporednom mjesecu).

Prijavljeno je 31-no krivično djelo krađe (11 manje), koje su izvršene 13 puta u poslovnim prostorijama, devet puta na ulici, četiri puta u vozilima GRAS-a, tri u stambenim objektima, itd. odakle su otuđivani novčanici, mobiteli, prehrambeni proizvodi, građevinski materijal, itd.

Registровано je 35 krivičnih djela razbojništva (jedno manje), od čega je za 11 djela ili 31,4% identifikovan osumnjičeni izvršilac (0,8% više).

Ova djela izvršena su prijetnjom upotrebe vatrenog oružja - 17 puta, prijetnjom upotrebe noža ili drugog oštrog predmeta – deset i upotrebom fizičke snage – osam puta, a počinjena su u poslovnim prostorijama – 15 puta, na ulici - 12, benzinskim pumpama - četiri, u apotekama - tri i u pošti - jedno djelo. Otuđivan je novac, mobiteli, cigarete, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 14 lica (jedno više), od kojih je 11 povratnika u činjenju krivičnih djela (ili 78,6%), a šest je lišeno slobode.

Evidentirano je pet krivičnih djela teških krađa na naročito opasan ili naročito drzak način (devet manje), u kojima su izvršioc, verbalnom prijetnjom u četiri slučaja i upotrebom fizičke snage – jednom, otimali mobitele i novac. Ova djela izvršena su u prodavnici i na ulici - po dva puta i u trolejbusu - jedno.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su četiri djela (tri manje) i to: izazivanje opće opasnosti - tri i teška krivična djela protiv opće sigurnosti ljudi i imovine - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica koja su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 14 krivičnih djela (osam manje) i to: nasilničko ponašanje – šest, napad na službenu osobu u vršenju poslova sigurnosti - tri, nedozvoljeno držanje oružja ili eksplozivnih materija i sprječavanje službene osobe u vršenju službene radnje - po dva i krivotvorenje isprave - jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 17 lica, od kojih je osam povratnika ili 47,1%, a četiri su lišena slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca aprila 2018. godine **prijavljeno je devet maloljetnih lica** zbog postojanja osnova sumnje da su **izvršili osam krivičnih djela**. U poređenju sa istim mjesecom 2017. godine, broj krivičnih djela za čije izvršenje su prijavljena maloljetna lica povećan je za tri ili 60%, a broj prijavljenih maloljetnih učinilaca krivičnih djela povećan je za pet ili 125%.

Među maloljetnim učiniocima krivičnih djela, četiri su u dobi od 14 do 16 godina i pet u dobi od 16 do 18 godina. Među maloljetnim izvršiocima krivičnih djela, dva su povratnika (ili 22,2%) u izvršenju krivičnih djela.

Pregled registrovanih krivičnih djela izvršenih od strane maloljetnih lica
u toku mjeseca aprila 2018/2017. godine

<i>Naziv krivičnog djela</i>	april 2018.	april 2017.
<i>Lahka tjelesna povreda</i>	1	1
<i>Ugrožavanje sigurnosti</i>	4	
<i>Ugrožavanje sigurnosti u podstrekavanju</i>	1	
<i>Krađa</i>		1
<i>Teška k. izvršena na naročito opasan ili nar. drzak način</i>		1
<i>Nasilničko ponašanje</i>	1	1
<i>Nedozvoljeno držanje oružja ili eksplozivnih materija</i>	1	
<i>52 ZONDINOIM</i>		1
<i>Ukupno</i>	8	5

Dva djela ugrožavanja sigurnosti i jedno djelo podstrekavanja istog maloljetnici su učinili lažnim dojavama o postavljenim eksplozivnim napravama u školama, dok je po jedno djelo počinjeno u poslovnom prostoru i u kući.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku aprila 2018. godine registrovan je jedan **slučaj aktiviranja minsko-eksplozivnih sredstava** (u aprilu 2017. godine nije bilo) što je za posljedicu imalo lakše tjelesne povrede jednog lica.

U proteklom mjesecu evidentirane su tri anonimne dojave o postavljanju eksplozivnih naprava (jedna u aprilu 2017. godine).

Nastavljene su aktivnosti u skladu s Planom aktivnosti o edukaciji učenika, nastavnog osoblja i roditelja u srednjim školama u Kantonu Sarajevo o protipravnom ponašanju koja se odnose na lažne dojave o postavljenim eksplozivnim napravama. U toku mjeseca aprila održano je pet predavanja na tu temu.

POŽARI

Tokom mjeseca aprila 2018. godine, na području Kantona Sarajevo registrovano je pet požara (osam manje), u kojima je jedno lice poginulo.

Prema statističkim pokazateljima, dva požara su izazvana namjerno, dva zbog tehničkih nedostataka, dok je jedan požar prouzrokovan nehatom.

SAMOUBISTVA

U mjesecu aprilu 2018. godine na području Kantona Sarajevo registrovana su dva samoubistva (dva manje) izvršena vješanjem.

JAVNI RED I MIR

U toku mjeseca aprila 2018. godine zbog raznih oblika narušavanja javnog reda i mira izrečeno je 329 prekršajnih sankcija (naloga - 254, zahtjeva - 75), što je u odnosu na mjesec april 2017. godine manje za 67 ili 16,9%. Prekršajne sankcije preduzete su protiv 351 lica (69 ili 16,4% manje).

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira (275 ili 83,6%), dok su 54 ili 16,4% prekršajne sankcije preduzete u skladu sa Odlukom općinskih vijeća o javnom redu i miru. Najbrojniji su prekršaji učinjeni prosjačenjem (123), koji su u ukupnom broju zastupljeni sa 37,4%. Inače, ovi prekršaji su najizraženiji na području općina Stari Grad i Centar, tako da se i najveći broj prekršajnih sankcija koje su preduzeli policijski službenici Prve i Druge policijske uprave odnosi upravo na prekršaje učinjene prosjačenjem.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2017. godine), dok je lakše povrijeđeno devet lica (10 ili 52,6% manje). Prema starosnoj strukturi lica prema kojima su preduzete prekršajne sankcije, najbrojniji su oni preko 36 godina (225), zatim između 26 i 35 godina (74), između 19 i 25 godina (49) i do 18 godina (tri). Među učinocima prekršaja iz oblasti javnog reda i mira, 44 su povratnika u izvršenju ovih prekršaja.

Tabelami pregled strukture prekršaja iz oblasti javnog reda i mira
za mjesec april 2018/2017.godina

PREKRŠAJI IZ ZAKONA O JRIM:	APRIL 2018.	APRIL 2017.	+ - %
<i>-Tuče</i>	43	34	9 ili 26,5%
<i>-Naročito drsko ponašanje</i>	29	44	-15 ili 34,1%
<i>-Odbijanje naređenja i omalovaž. pol. služb.</i>	37	28	9 ili 32,1%
<i>-Neovlaštena upotreba oružja</i>	3	0	3
<i>-Paljenje petardi</i>	0	1	-1
<i>-Prosjačenje</i>	123	154	-31 ili 20,1%
<i>-Svađa, vika, nepristojno ponašanje</i>	5	9	-4 ili 44,4%
<i>-Uživanje opojne droge na javnom mjestu</i>	0	0	---
<i>-Ostali prekršaji iz Zakona o JRiM</i>	35	51	-16 ili 31,4%
Prekršaji prema Odluci općinskog vijeća o JRiM	54	75	-21 ili 28%
ukupno	329	396	-67 ili 16,9%

Prema strukturi prekršaja, **najbrojniji su prekršaji učinjeni prosjačenjem** (123 ili 37,4%), zatim tučama (43 ili 13,1%), odbijanjem naređenja i omalovažavanjem policijskih službenika (37 ili 11,2%), te naročito drskim ponašanjem (29 ili 8,8%). Registrovano je i pet prekršaja učinjenih svađom, vikom i nepristojnim ponašanjem, tri prekršaja zbog neovlaštene upotrebe oružja i 35 zbog svih ostalih prekršaja. Takođe, evidentirana su i 54 prekršaja koja su utvrđena Odlukom općinskih vijeća o JRiM.

U odnosu na isti mjesec 2017. godine, povećan je broj prekršajnih sankcija zbog prekršaja učinjenih tučom, odbijanjem naređenja i omalovažavanjem policijskih službenika i neovlaštenom upotrebom oružja, dok je u svim ostalim slučajevima smanjen broj ovih sankcija.

Prema mjestu izvršenja, najveći broj prekršaja iz oblasti javnog reda i mira izvršen je na ulici i na drugim otvorenim prostorima (302 ili 91,8%), a znatno manje u ugostiteljskim objektima (13), te na ostalim mjestima (12), zatim u vozilima javnog saobraćaja i školama i školskim dvorištima – po jedan prekršaj.

U odnosu na isti mjesec 2017. godine, povećan je broj prekršaja u ugostiteljskim objektima, u školama i školskim dvorištima broj prekršaja je isti, dok je na svim ostalim mjestima taj broj smanjen.

SAOBRAĆAJ

Tokom mjeseca aprila 2018. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Registrovane su 764 saobraćajne nezgode (37 ili 4,6 % manje), 695 sa materijalnom štetom (45 ili 6,1 % manje) i 69 sa nastradalim licima (osam ili 13,1 % više).

U naselju je registrovano 678 saobraćajnih nezgoda (dvije sa poginulim, 61 sa povrijeđenim licima i 615 sa materijalnom štetom), van naselja 86 nezgoda (jedna sa poginulim, pet sa povrijeđenim licima i 80 sa materijalnom štetom).

Evidentirano je 108 saobraćajnih nezgoda na raskrsnicama u naselju, 34 na raskrsnicama van naselja, sedam na pješačkom prelazu, jedna u tunelu i 614 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec april 2018./2017. godina

	april 2018.	april 2017.	+ , - , %
UKUPNO SAOBRAĆAJNIH NEZGODA	764	801	- 37 ili 4,6 %
Saobraćajne nezgode sa nastradalim licima	69	61	+ 8 ili 13,1 %
Saobraćajne nezgode sa materijalnom štetom	695	740	- 45 ili 6,1 %
POGINULO LICA	3	0	+ 3
- vozači	0	0	-----
- putnici	0	0	-----
- pješaci	3	0	+ 3
POVRIJEĐENO LICA	91	77	+ 14 ili 18,2 %
- vozači	43	39	+ 4 ili 10,2 %
- putnici	32	17	+ 15 ili 88,2 %
- pješaci	16	21	- 5 ili 23,8 %

POSLJEDICE SAOBRAĆAJNIH NEZGODA

Tokom mjeseca aprila 2018. godine, u saobraćajnim nezgodama na području Kantona Sarajevo 94 lica su nastradala (17 ili 22,1 % više). Tri lica su poginula¹ (u istom mjesecu prošle godine nije bilo poginulih lica), dok je 91 lice povrijeđeno (14 ili 18,2 % više), 11 teže i 80 lakše.

Među povrijeđenim licima evidentirana su:

- 43 vozača (četiri više)

¹

- 32 putnika (15 više)
- 16 pješaka (pet manje)

Tabelami pregled nastradalih lica u saobraćajnim nezgodama po kategoriji učesnika
za mjesec april 2018./2017. godina

	POGINULI			TESKO POVRIJEĐENI			LAKŠE POVRIJEĐENI		
	april 2018.	april 2017.	+,-,%	april 2018.	april 2017.	+,-,%	april 2018.	april 2017.	+,-,%
VOZAČI	0	0	-----	4	3	+ 1 ili 33,3 %	39	36	+ 3 ili 8,3 %
PUTNICI	0	0	-----	3	1	+ 2 ili 200 %	29	16	+ 13 ili 81,2 %
PJEŠACI	3	0	+ 3	4	5	- 1 ili 20 %	12	16	- 4 ili 25 %
UKUPNO	3	0	+ 3	11	9	+ 2 ili 22,2 %	80	68	+ 12 ili 17,6 %

Kada je u pitanju stepen povreda, četiri vozača su teže a 39 lakše povrijeđena, tri putnika su teže a 29 lakše povrijeđena, dok su četiri pješaka teže a 12 lakše povrijeđena.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 24 lica, od 41 do 50 godina – 14 lica, od 21 do 24 godine – 12 lica, od 25 do 30 godina – 11 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 581 nezgoda u kojoj su 64 lica nastradala (dva lica poginula, 62 lica povrijeđena), zatim na magistralnim putevima – 82 nezgode u kojima su 23 lica povrijeđena, na regionalnim putevima – 39 nezgoda (jedno lice povrijeđeno), na lokalnim putevima – 37 nezgoda (dva lica povrijeđena) i na putevima koji se ubrajaju u kategoriju ostalih – 25 saobraćajnih nezgoda (jedno lice poginulo, tri lica povrijeđena).

UZROCI SAOBRAĆAJNIH NEZGODA

Od ukupno 764 uzroka saobraćajnih nezgoda, 84 je zbog neprilagođene brzine (28 lica povrijeđeno), 11 zbog uticaja alkohola (sedam lica povrijeđeno), dok uzroci za 669 saobraćajnih nezgoda spadaju u kategoriju ostalih (tri lica poginula, 56 lica povrijeđeno).

Evidentirano je 11 saobraćajnih nezgoda (šest više), u kojima su učestvovali pripadnici MUP- a Kantona Sarajevo. U navedenim saobraćajnim nezgodama povrijeđena su dva lica – vozač i putnik.

Evidentirano je 20 saobraćajnih nezgoda (17 manje) u kojima su učestvovali inostrani vozači i dvije nezgode (isto) u kojima su učestvovala vozila međunarodnih organizacija (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca aprila 2018. godine, kontrolisano je ukupno 19.249 vozila (3.081 manje), 4.595 lica u vozilima (1.444 manje), izvršen je pregled 156 vozila (89 manje) i 169 lica u vozilima (48 manje).

Zbog tehničke neispravnosti iz saobraćaja je isključeno 20 vozila (20 manje), 216 vozača je zatečeno da upravljaju vozilom pod dejstvom alkohola (49 više), 354 bez korištenja sigurnosnog pojasa (tri manje), 98 bez položenog vozačkog ispita (23 više), 63 pod izrečenom zaštitnom mjerom (59 više), 607 zbog korištenja mobitela tokom vožnje (280 više), dok je 196 vozila učestvovalo u saobraćaju bez važeće registracije (63 više).

Zbog kršenja propisa iz oblasti sigurnosti saobraćaja uručeno je 14.990 prekršajnih naloga vozačima (1.380 manje u odnosu na april prošle godine) i podneseno 14 zahtjeva za pokretanje prekršajnog postupka (50 manje). Evidentirano je sedam krivičnih djela zbog ugrožavanja sigurnosti javnog prometa (četiri više).

Tokom provođenja akcije pod nazivom „Neko te voli“ kontrolisana su 2.424 učesnika u saobraćaju. Tom prilikom je izdat ukupno 981 prekršajni nalog od čega: 936 vozačima motornih vozila, sedam vozačima bicikla, mopeda i motocikla, dok je 38 prekršajnih naloga izdato pješacima.

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca aprila 2018. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 5.324 prekršajna naloga (1.158 manje), upozoreno je 416 vozača (45 više), a specijalnim vozilom “pauk” premještena su 264 vozila (70 više).

Takođe, pješacima koji su kršili propise uručeno je 235 prekršajnih naloga (135 manje), a upozoreno je 69 pješaka (34 manje).

ZAKONITOST U RADU

Tokom mjeseca aprila 2018. godine, registrovana su četiri napada (dva više) na policijske službenike. U napadima su učestvovala četiri punoljetna lica i jedno za sada nepoznato lice.

Policijski službenici su u jednom slučaju opravdano upotrijebili silu (jedna manje): fizičku snagu i sredstva za vezivanje.

Tokom mjeseca aprila 2018. godine, razmatrano je 39 predstavki na rad službenika policije, među kojima je za 10 predstavki (sedam više) data saglasnost da se sprovede unutrašnja istraga. Za 14 predstavki je donesena odluka da se izvrše provjere i prikupi dokumentacija, 10 da nema osnova za provođenje unutrašnjih istraga, dvije o nenadležnosti, a dvije da se upute u nadlenost, dok je za jednu predstavku odlučeno da se pripoji ranijem spisu.

Postupano je po 31 predstavci iz ranijeg perioda.

Okončano je 16 unutrašnjih istraga, među kojima je 10 osnovanih, tri su neosnovane, u jednom slučaju nije bilo dovoljno dokaza, u jednom slučaju stranka je odustala od žalbe, dok je u jednom slučaju zatraženo da se izvrši dopuna istrage.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE (Sl.novine Kantona Sarajevo br. 01/18)

U mjesecu aprilu 2018. godine evidentirana su dva djela regulisanih ZONDINOIM-om (sedam manje) počinjenih od strane dva lica povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 12 pištolja, 12 „noževa, mačeva, sablji i sl.“, 94 komada municije raznog kalibra, itd.

U izvještajnom mjesecu fizičkim licima izdato je 68 odobrenja za nabavku vatrenog oružja (23 manje) i 91 oružni list (18 manje).

RAD POLICIJE U ZAJEDNICI

U okviru rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama,

predstavnicima vjerskih zajednica, raznim udruženjima građana, nevladinim organizacijama, itd.

Obavljajući svoje redovne aktivnosti službenici policije su vršili obilaske mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Pored navedenog tokom mjeseca aprila 2018. godine realizovane su slijedeće aktivnosti:

- Nastavljeno je aktivno provođenje kampanje "Neko te voli" koja je započeta u mjesecu martu ove godine sa ciljem smanjenja broja vozača koj koriste mobilne telefone prilikom vožnje vozila,
- U svim općinama održana su predavanja u osnovnim školama na teme: "Međuvršnjačko nasilje", "Djeca u saobraćaju", "Narkomanija", itd.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, a koji pored aktivnosti koje se odnose na jačanje tužilačkog sistema, sprovodi i aktivnosti kojima se nastoje implementirati programi kojima se doprinosi prevenciji kriminala, u mjesecu aprilu održana su predavanja u osnovnim škola na području općina Novo Sarajevo i Ilidža,
- Policijski službenici PS Stari Grad su intenzivno sarađivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad sa akcentom na užu jezgru Bašćaršije.

Sarajevo, 15.05.2018. godine

**Odjeljenje za odnose sa javnošću
MUP-a Kantona Sarajevo**